

To'on yó'o kí_{an} kúú u_u n_i taa San Pab_{lo} n_i sa'an noó na ñoo Corinto

Ká'an Pablo ndisá'án

¹ Yu'u kúú Pablo, ta kúú iin apóstol, na né'e to'on Jesucristo, tát'on k_i'o kóni mií Ndios. Ta yu'u xí'ín ñani yo Timoteo ká'an ndu ndisá'án xí'ín ndo'ó, na kúú ñayuu Ndios ndéi ñoo Corinto xaan, xí'ín ndidaá ka ñayuu Ndios ndéi chí kuendá Acaya.

² Ta mií tatá yo Ndios xí'ín sato'o yo Jesucristo ná kee ña man_i xí'ín ndó, ta nak_i'o ná ña koo va'a ini ndo.

Yó'o ká'an Pablo sa'á tandó'ó ndó'o na

³ Ná natiin Ndios, na kúú tatá sato'o yo Jesucristo, ndidaá tá'an ñañó'ó. Mií ná kúú tatá, na daá kuití kú'u ini sa'a yo, ta xí'o na tandeé ini ká'ano noo yo.

⁴ Ta noón kúú na xí'o tandeé iní noo ndú'u tein ndi ndáa mií tandó'ó ndó'o ndu, dión, dá ná n_i'i iní ndu ndi koo kee ndu k_i'o ndu tandeé iní noo dao ka ñayuu tá ndó'o na ndi ndáa mií tandó'ó. Dá chí tát'on k_i'o xí'o Ndios tandeé iní noó ndu'u, k_i'o dión ta'ani xí'o ndu tandeé iní noo dao ka ñayuu.

⁵ Ta sa'á ña sá sá'ano tandó'ó ndó'o ndu kua'an sa'á to'on Cristo, sa'á ñoó sá'ano ta'ani tandeé iní n_i'i ndú noo ná.

⁶ Chí tá ndó'o n_{io} ndú, ñoo kí_{an} kédaá xí'ín ndó, dá n_i'i ndo tandeé iní, ta koni ndo k_{aki} ndó. Ta sa'á ña xí'o Ndios tandeé iní noó ndu'u, sa'á ñoo n_i'i

ta'ani ndó tandeé iní kée ndu'u, ta koni ndo k̄aki ndó. Dión, dá k̄i'o ta'ani na tandeé iní noo ndo tá ndó'o nio ndo t̄ato'on k̄i'o ndó'o nio ndu'u.

⁷ Ta miian ndaa ío tandeé iní noo ndú'u sa'a ndo, chí ná'á ndú ña sa'a ña ndó'o dáó nio yo, sa'a ñoo t̄ato'on k̄i'o xí'o na tandeé iní noo ndú'u, k̄i'o dión ta'ani xí'o na tandeé iní noo ndo'ó.

⁸ Ñani, kóni ndu'u ña kana'á ndó sa'a t̄andó'ó ká'ano ni ndo'o nio ndú tá ni sa'an ndu chí kuendá Asia di'a. Ta ka'í nda'o ni ndo'o ndu o duú ña k̄i'o ndeé iní ndu kían, sa'a ñoo ni ndi'i va tandeé iní noo ndu'u ña kankuei takí ndu.

⁹ Ta ñoo kúu noo ni katóni ini ndu ña kua'an ndu kuu ndu. Ta dión ni ndo'o ndu, dá kían ná dá'a ni kandeé iní ndu mií ndú, di'a ná kandeé iní ndu iin tó'ón diní Ndios, na dánátaqui na ni xí'i.

¹⁰ Chí noón kúu na ni dakáki ñaá tiempo daá, ta mií ta'ani na dakáki ñaá viti, ta kándéé iní ndu ña dakáki ñaá noo ndidaá t̄andó'ó ná'ano kóni dánaá ñaá,

¹¹ dá chí chindeé ndó ndu'u xíka ndo ña maní noo Ndios sa'a ndu'u. Chí tá kua'á nda'o ñayuu xíka ña maní noo Ndios sa'a ndu, dá kían kua'a ka ví ñayuu nakí'o ndivé'e noo Ndios sa'a ndidaá ña maní kée na xí'ín ndú.

Yó'o nákaní Pablo ndiva'a ko ní sa'an na ñoo Corinto

¹² Ta ío iin ña'a kédaá xí'ín ndú, dá ka'an va'a ndu cháa sa'a mií ndú, ta kían ña ko kútúú ta'on ini ndu sa'a ni iin ña'a kée ndu, dá chí kendaá ndu ndidaá ña'a, ta kée nduan xí'ín ndino'o ini ndú noo Ndios. Ta ko kéchóon ta'on ndu ña ndichí ío ñayuú yó'o. Di'a kée nduan sa'a ña maní ni kee Ndios xí'ín ndú.

Ta dión kée ndu iin ní kúú vá noo xíonoo ndu, ta dión kéndaa cháá ka ndu xí'ín ndo'ó.

13 Ta kọ táa ta'on ndu dao ka to'on, ña kían o kándaa ini ndo, o ña o kátí'a ndó ka'i ndó. Chì ndáti yu'u ña mián kasandaá ndo kandaá ndi'i ini ndo,

14 dá chì táto'on kị'o sa kandaá ini ndo cháá ña ndu'u kúú na ío ñaño'ó ndó noo, kị'o dión ta'ani koo ñaño'ó ndú noo ndo tá ná kasandaá kuu nandió koo tuku sato'o yo Jesús kasaa na.

15 Ta xí'ín tandeé ini yó'o ñi ka'ín saai dinño'ó noo ndéi ndó, dá chindeéi ndo'ó uu ta'ándá,

16 chì ñi ka'ín chika'andaj noo ndéi ndó, dá ya'i ko'in chí kuendá Macedonia di'a. Ndi'i daá, nandió koo tukui noo ndéi ndó, dá kían kee ndó ña manì ko'on ndo dáya'a ndó yu'u íchì kua'an chí Judea di'a, ñi ka'ín.

17 Tá ñi ka'ín xí'ín ndó ña dión keei, ¿á ká'án ndó ña iin ndakána ñi ka'ín xí'ín ndó? O, ¿á ká'án ndó ña kée yu'u táto'on kị'o kée ñayuu kọ ná'á Ndios, tá'an na ká'an "jaan" xí'ín yú'u ná, ta xí'ín ñaxintóni ná ká'an na ña "koó"?

18 Tído iin na ndaa kúú Ndios, ta mií ná kúú na ná'á ña kọ ká'an ndu "jaan" xí'ín yú'u ndú, ta xí'ín ñaxintóni ndú ká'an ndu ña "koó".

19 Ta sa'á Jesucristo, na kúú de'e Ndios, ñi daná'a yu'u xí'ín Silvano, xí'ín Timoteo noo ndo. Ta kọ ká'an Jesús "jaan" xí'ín yú'u ná, ta xí'ín ñaxintóni ná ká'an ña "koó". Ta sa'a mií ná ká'an Ndios "jaan" xí'ín yó,

20 dá chì sa'a mií Jesús xínkoo ndi'i to'on ñi xì'o Ndios noo yo, ta sa'a mií ná ká'an yo "Dión ná koo" dá ná natiin Ndios ñaño'ó noo kéká'ano yó na.

21 Ta mií Ndios kúú na ná'a ndaa ña ndu'u xí'ín

ndo'ó kúú ñayuu mií ná sa'á ña ndíko yo Cristo, ta mií ta'ani na kúú na ñi kaxi yó kakuuó ñayuu na,

²² ch̄i ñi kani na selo nío iin rá iin yó, ch̄i ñi x̄i'lo na Espíritu īi ná koo na nío yo, dá katóni ini yo ña miian ndaa natiin yó ndidaá ka ña va'a ñi kaa na tei na noo yo.

²³ Mií Ndios kúú na chíkanii x̄i'lo kuendá sa'í, ch̄i ná'á ná ña sa'á ña ko ní x̄iin dákúnda'í ini ndo'ó, sa'á ñoó ko ñá'a kasandaái ñoo Corinto xaan.

²⁴ Tído ná dá'a ñi ka'án ndó ña kóni ndu ka'anda ndu choon noo ndo noó ña kánian kee ndó sa'á ña kándisa ndó Jesús. Di'a ndúndéé ndu'u kéchóon ndu noo ndo, dá kadii ini ndo, ch̄i sa ndíta toon ndó x̄i'ín ña ndaa kándisa yó.

2

¹ Sa'á ñoó ñi chíkaa inii ña o sáa ta'oin noo ndéi ndó viti, dá ná dá'a ñi dákúnda'í inii ndo'ó.

² Dá ch̄i tá ná dákúnda'í inii ndo'ó, dá kían, ¿ndá yoo k̄i'lo ña kadii iní, tá dáá? Ch̄i na ndáti yu'u k̄i'lo ña kadii iní, nandei nda'í di'a na kee yu'u.

³ Sa'á ñoó ñi taai iin ka tuti ñoó kosaaan noo ndo, dá kían tá ná saai noo ndéi ndó, dá kían ná dá'a ñi kunda'í inii kee na kánian k̄i'lo ña kadii iní. Ta kándéé ká'ano inii ña tá kadii ini yu'u sa'a ndo, dá kían kadii ta'ani ini mií ndó.

⁴ Ta nda'í nda'o ñi sa kuu inii tá ñi taai tuti ñoó kosaaan noo ndo, ch̄i nda nío víi ñi tar'u'u, xiní, ta x̄i'ín ndirá nooí ñi taai ña. Tído ko ní ndukúí ña dákúnda'í inii ndó. Di'a ñi keei, dá kandaa ini ndo ndi k̄i'lo kú'u inii sa'a ndo.

Kú'u ká'ano ini Pablo sa'á taa ñi ya'a ñi kee kuachi

⁵ Ió iin taa n̄i ya'a n̄i x̄i'o ñ̄a n̄i kunda'í ini yu'u, tído o duú sava'a iin tó'ón yu'u ní kunda'í ini n̄i kee ra, ch̄i kuu va kaaj ñ̄a ndidaá ndo'ó n̄i kunda'í ta'ani ini.

⁶ Sa kua'á nda'o ndó n̄i dandó'o ní o taa ñoó. Cháá dión ka n̄i ná kakuuan.

⁷ Ñ̄a kánian kee ndó viti k̄ian k̄i'o ká'ano ini ndo sa'a rá, ta k̄i'o ndó t̄andee iní noo rá, dá k̄ian ná dá'a ni kandee ñ̄a kunda'í ini ra dánaá ñ̄a.

⁸ Sa'á ñoó seí nda'áv̄i noo ndo ñ̄a na'a tuku ndó ñ̄a kú'u ini ndo sa'a rá.

⁹ Ch̄i n̄i t̄anda'í iin ka tuti ñoó kosaa noo ndo, dá ná kandee'á á mīan ndaa seídó'o ndó ndidaá choon sa'ándái noo ndo.

¹⁰ Ch̄i n̄a x̄i'o ká'ano ini ndo sa'a, ta nda yu'u ta'ani k̄i'o ká'ano ini sa'a ná. Ta sa n̄i x̄i'o ká'ano ta'ani ini sa'á taa ñoó tá ió iin ñ̄a'a n̄i kee ra x̄i'ín mií, ta sa'á mií ndó n̄i kee dión, ch̄i k̄i'o dión kóni mií Cristo kee yó,

¹¹ dá k̄ian ná dá'a ni kandee ñ̄a u'u kex̄ixian x̄i'ín yó, ch̄i sa ná'á vá yó tát̄o'on k̄i'o mañ̄an.

Yó'o n̄i n̄akani ini Pablo sa'a Tito nani sa'io na ñoo Troas

¹² Tá n̄i saaj̄i ñoo Troas dána'i t̄o'on va'a sa'a Cristo, ndato n̄i sonó sato'o yo Ndios ñ̄a k̄ian dána'i t̄o'on na ñoo ñoó.

¹³ Tído ko ní sá io va'a ini, ch̄i ko ní n̄ani'i tá'in x̄i'ín ñani yo Tito ñoo ñoó. Sa'á ñoó n̄i ka'in ndisá'án x̄i'ín ñ̄ayuu ndéi ñoó, dá n̄i kee kua'in chí kuendá Macedonia.

Dáx̄inko va'a Ndios ndidaá ñ̄a'a ndó'o yó sa'á ñ̄a ndíko yo Cristo

14 Tído náki'oi ndivé'e noo Ndios, dá ch̄i mií ná dáxinkoo va'a ndidaá ña'a ndó'o yó sa'á ña ndíko yo Cristo Jesús. Ta noo ndú'u ni xi'o na choon dána'a ndu sa'á to'on na, dá kían tát'o'on ki'o náka'ani díko támi sá'an, ki'o di'on náka'ani to'on na noo ndidaá ñayuu.

15 Ta noo míi Ndios kúu ndu'u tát'o'on iin dusa támi sá'an, ña chíño'o Cristo noo Ndios. Ch̄i to'on dána'a ndu náka'ani kua'an noo ña kua'an kaki, xí'in noo ña kua'an naá.

16 Ta to'on dána'a ndu kían tát'o'on díko ndii noo ña kua'an naá, ña xí'o ña naá ná. Ta noo ña kua'an kaki, to'on yó'o kían tát'o'on iin díko támi sá'an, ña xí'o ña kataki ña. Tído, ¿ndá yoo kandeé kee choon yó'o, tá dáá?

17 Ta ko kée ta'on ndu'u tát'o'on kée kua'á nda'o ta, tá'an ra xionoo náka'án nda'i to'on Ndios xí'in ña maña. Di'a ndísá'ano kéchóon ndu noo Ndios, ch̄i mií ná ni xi'o choon yó'o noo ndu, ta noo míi Ndios ká'an ndu sa'a Cristo.

3

Dána'a Pablo noo ñayuu ña ni kandoo Ndios kee na ña saá xí'in ná

1 ¿Á ká'án ndó ña nandió kuéi tuku ndu'u ndukú ndú ña nakoni ndo ndu'u sa'á ña ká'an ndu dión? O, ¿á ká'án ndó ña xínño'ó ndú iin tuti chindeé ndú mií ndú noo ndo'ó, o iin tuti noo ká'an va'a mií ndó sa'á ndu tát'o'on ki'o xínño'ó ñaá dao ka ra? Koó,

2 dá ch̄i tuti ká'an va'a sa'a ndú kúu iin rá iin mií ndo'ó, ta káaan ini níó ndú. Ta ndidaá tá'an ñayuu xí'o kuendá sa'a choon va'a ni kee ndu tein ndó xaan,

³ Ch̄i mīan ndaa kuiti ndo'ó kúú tuti ká'an va'a sa'á ndu'u, ña kían n̄i taa mií Cristo, ña kían né'e ndu xíonoo ndu. Ta k̄o ní taa naan noo iin tuti xí'in tinta. Di'a n̄i taa naan xí'in ndéé Espír̄itu īi Ndios takí. Ta k̄o ní taa naan noo yuu dá'ándá, di'a n̄i taa naan ini nío ndo.

⁴ Ta kándéé ká'ano ini ndu'u Ndios ña k̄i'o dión kían sa'á ña ió Cristo xí'in ndú.

⁵ Ta ni lú'u ña ndichí k̄o kómí míi ndu'u ña kían kedaá xí'in ndú ka'an ndú ña kat̄i'a ndu kee ndu choon yó'o, dá ch̄i mií vá Ndios kúú na xí'o ña ndichí noo ndu, dá kat̄i'a ndu kee nduan.

⁶ Ta mií Ndios kúú na n̄i x̄i'o ña kát̄i'a ndu dána'a ndu sa'á ña saá n̄i k̄andoo na kee na xí'in ñayuu na. Ta diin va kían o duú ley, ña n̄i taa na xí'in letra, ch̄i noo Espír̄itu īi míí ná n̄i k̄ii ña saá ñoó. Ta ley ñoó xí'o ña kánian kuu ñayuu, tído Espír̄itu īi, noón kúú na xí'o ña kataki chíchí yó.

⁷ Ta ley ñoó, tá'an ña xí'o ña kánian kuu yo, n̄i taa Ndios ña noo yuu. Ta n̄i naye'e ndaa tá n̄i x̄i'o naan noo Moisés. Ta k̄o ní kúú ta'on kande'é na ñoo Israel noo Moisés sa'á ña ndato téi yé'an, tído sa kua'an ndañó'ó vá ña yé'e noo ná.

⁸ Tído ndato ka ví naye'e ndaa tá kemáni Ndios yo xí'in Espír̄itu īi ná.

⁹ Dá ch̄i tá dión ndato n̄i naye'e ndaa tá n̄i x̄i'o na ley yatá, ña ká'an ña kúú yó ñayuu kómí kuachi noo Ndios, ví'í k̄a ví ndato ña saá xí'o Ndios noo yo, ch̄i xí'oan ña kandoo vii yo noo ná.

¹⁰ Ch̄i va'ará ndi k̄i'o ví ndato náye'e ndaa tá n̄i x̄i'o na ley yatá, tído k̄o ta'ón ña'a kían noo ña ndato téi náye'e ndaa xí'o Ndios noo yo viti.

¹¹ Dá ch̄i ley yatá, ña naá, ndato n̄i sa ye'e

ndaañ, tído ví'í ka ví ndato náye'e ndaa ña saá xí'o Ndios noo yo viti, chí ndidaá tá'an tiempo kooan.

¹² Ta sa'á ña ió tandeé iní ndu ña kí'o dión kíán, sa'á ñoo ko yu'ú ta'on ndu ka'an ndu sa'án,

¹³ ta ko kée ta'on ndu táto'on kí'o ni kee Moisés, chí ni dadá'i na noo ná xí'in iin dá'on, dá ná o koní na ñoo Israel ña sa kua'an nda'o ña ndato tóon noo ná.

¹⁴ Tído ni ndadi va ñaxintóni ñayuu ñoo. Ta nda na ndéi viti ndó'o ta'ani dión, chí tá ká'i na ley yata, ió táto'on iin dá'on sadí ñaxintóni ná. Tído tá ná kandeé iní na Cristo, nda daá ví kexoo dá'on, ña sadí ñaxintóni ná.

¹⁵ Ta nda kuu viti ndó'o na dión, chí tá ká'i na ley Moisés ñoo, sadí iñ vá dá'on ñoo ñaxintóni ná.

¹⁶ Tído tá ná kandeé iní na sato'o yo Jesús, dá kíán kexoo dá'on, ña sadí ñaxintóni ná.

¹⁷ Dá chí sato'o yo kúu Espíritu iñ Ndios, ta noo nákaa Espíritu iñ Ndios, ñoo kúu noo ni nono, koó ña'a ka ketéin.

¹⁸ Sa'á ñoo koó ka dá'on sadí noo yo, ta mií yó ná'a táto'on kí'o ndato yé'e sato'o yo Ndios, táto'on kée iin espejo ná'a ndatoán táto'on káa yó. Chí iin rá iin kuu kuu náye'e cháa ka yo kua'an yo kooó táto'on kí'o ndato yé'e mií ná, ta ña yó'o kíán kée na kúu Espíritu iñ Ndios, na kúu sato'o yo.

4

¹ Ta sa'á ña ni xí'o Ndios choon yó'o noo ndú sa'á ña kú'u ini na sa'a ndú, sa'á ñoo ko kútúu ini ndu.

² Di'a kúño'ó ndú ndidaá ña ka'an noo kéde'e dao ka ñayuu. Ta ko xionoo ndu dánda'í ndu ñayuu, ta ko nádaká ta'on ndu to'on tó'on xí'in to'on Ndios noo dána'a ndu. Di'a dána'a nda'a ndu, ta ñoo kíán

kédaá xí'ín ñayuu, dá ná o sa nákani kuáchi ini na kande'é ná ndu'u. Ta míí Ndios ná'á ña dión kián.

³ Ta to'on va'a dána'a ndu, ko kándaá ini dao ñayuu, chi ió iin ña'a sadí ñaxintóni ná. Ta ñayuu kua'an naá, noón kúú na ndadí ñaxintóni.

⁴ Ta ña u'u dándáki ñayuú yó'o viti, ta ñoó kían ni sadi ñaxintóni ñayuu ko xín kandísa, dá kían ná dá'a ni natoon ñaxintóni ná kee to'on va'a ña ká'an sa'a ndi ki'o ká'ano choon kómí Cristo Jesús, na káa táto'on ki'o káa Ndios.

⁵ Ta ko xionoo ta'on ndu'u dána'a ndu sa'a míí ndú, di'a dána'a ndu ña iin tó'on Jesucristo kúú sato'o noo ndidaá ña'a, ta ndu'u kúú na xínkuáchí noo ndidaá ndó sa'á ña kóni ndu Jesús.

⁶ Dá chi míí Ndios, na ni sa'anda choon, dá ni naye'e ndaa noo iin naá, noón ta'ani kúú na ni datóon ñaxintóni ndú, dión dá kuu dátoon ndu ñaxintóni dao ka ñayuu, dá kana'á ná ndi ki'o ká'ano tatá Ndios, ta ná'a Ndios ña ndato yó'o xí'ín Jesucristo.

Ki'o di'a kée ndu sa'á ña kándéé iní ndu Jesús

⁷ Ta ndu'u kúú táto'on iin kidi ñó'o noo ñó'o iin ña kuiká, ña kúú to'on ndato dána'a ndu, dá ná kandaá ini ñayuu ña ndée ká'ano yó'o ni kii noo Ndios, ta o duú ndée kómí míí ndú kián.

⁸ Ta va'ará só'óni tandó'ó ndu'u, tído ko ní tadi ta'on ndu. Ta va'ará nákani nda'o ini ndu, tído ko ndí'i ta'on tandeé iní ndu.

⁹ Kéndava'a ñayuu xí'ín ndú, tído ko dáyaá ndá'a ta'on ñaá Ndios. Kóon na ndu'u noñó'o, tído ko kándéé ta'on na dánaá na ndu'u.

¹⁰ Ndeí kúú míí vá noo xionoo ndu, daá kuití vá ió ña ka'ání ná yikí koño ndu táto'on ni kee na xí'ín

Jesús, dá ná kandaá ini ñayuu ña ío takí Jesús sa'á ña náki'o ndu yikí koño ndu ndo'an dión.

¹¹ Chì xían nani takí ndu ndéi ndu, daá kuití vá ío nduu ndu nakí'o ndu mií ndú kuu ndu sa'a Jesús, dá ná kandaá ini ñayuu ña ío takí na sa'á ña náki'o ndu yikí koño ndu ndo'an dión.

¹² Ta sa'á ña daá kuití ío ña kuu ndu, sa'á ñoó nónó noo ndo ni'i ndo ña kataki chíchí ndó.

¹³ Ta kándéé iní ndu Ndios táto'on kí'o nì kandeé ini ñaá na nì taa di'a noo tuti iì Ndios: “Sa'á ña kándisa ndaai Ndios, sa'á ñoó nì ka'in sa'a ná.” Kí'o dión ta'ani ndó'o ndu'u, chì sa'á ña kándisa ndu na, sa'á ñoó ká'an ndu xí'in ndó sa'a ná,

¹⁴ dá chì ná'á ndú ña nì natakí sato'o yo Jesús nì kee Ndios, ta kándisa ta'ani ndu ña dánataki na ndu'u táto'on nì kee na xí'in Jesús, dá nakuíta dáó yó noo ná.

¹⁵ Chì xí'o ndu mií ndú ña ndó'o ndu ndidaá tandó'ó yó'o sa'á ña kú'u nda'o ini ndu sa'a ndo, dión, dá ná ndukua'a cháá ka ñayuu natiin ña manì xí'o Ndios, dá kían kua'a cháá ka ñayuu nakí'o ndivé'e noo Ndios, dá ná natiin na cháá ka ñaño'ó.

¹⁶ Sa'á ñoó ko kútúú ta'on ini ndu, va'ará sa kúyatá yikí koño ndu kua'an, tído iin rá iin kuu kuu di'a ndúsaá níó ndú kua'an.

¹⁷ Dá chì tandó'ó ló'o, ña ndó'o tóo níó ndú ñayuú yó'o, ñoó kían xí'o ña ni'i ndú iin ña ndato ká'ano noo Ndios, ña ni iin kuu o ndí'i.

¹⁸ Ta ko ndí'i ta'on ini ndu sa'á ña ndé'á xí'in noo yo. Di'a ndí'i ini ndu sa'á ña ko túu, ña ko xíní yo xí'in noo yo. Dá chì ña ndé'é yó xí'in noo yo, ñoó kían ndí'i va. Tído ña ko xíní yo xí'in noo yo, ñoó kían ni iin kuu ta'ón o ndí'i.

5

1 Dá chi ná'á ndu'u ña yikí koño ndíxi ndu kúú táto'on iin ve'e ndéi tóo ndu ñayuú yó'o. Ta tá ná kasandaá kuu natanian, dá ko'on Ndios k'i'o na iin ve'e kande'i ndu, ña kían ko ní káva'a xí'ín ndá'a ta, ña ni iin kuu o ndí'i, ña kúú kuendá induú.

2 Sa'á ñoó nda'í tána ndu, chi kóni k'í ndu nandixi ndu yikí koño saá, ña kúú kuendá induú.

3 K'i'o dión, dá nandixi ndu iin yikí koño saá, dá o kóo vichí ndú.

4 Ta nani ndíxi ndu yikí koño yó'o, nda'í tána ndu, dá chi ko kóni ta'on ndu kandoo vichí ndú. Di'a kóni ndu ña nandixi ndu iin yikí koño saá, dá kían naá yikí koño xí'i yó'o, dá ni'i ndú iin yikí koño ña kataki chíchí.

5 Ta mií Ndios kúú na ni saki ña dión kee na xí'ín ndú, ta ni xi'o na Espiritu ná noo ndú, dá ná kandaa ini ndu ña miían ndaa dión kee na xí'ín ndú.

6 Sa'á ñoó daá ió tandeé iní ndu noo ña yó'o, ta ná'á ndú ña xían nani ndíxi i'í ndú yikí koño yó'o, xíká vá ndíta ndu noo ió sato'o yo Jesús.

7 Xíonoo ndu xí'ín ña kándéé iní ndu ña k'i'o dión kían, ta ko ndí'i ini ndu sa'á ña xiní ndu xí'ín noo ndú.

8 Tído kándéé ká'ano ini ndu ña dión koo, sa'á ñoó kóni cháa ka ndu dánkoo ndu yikí koño yó'o, dá kuu nakuíta ndu noo sato'o yo Jesús.

9 Sa'á ñoó ndí'i ini ndu, á mií ndú ndéi xíká ndú noo ná o á mií ndú sa ndíta ndu noo ná, ña kóni ndu kían nata'an ini na xiní na ña kée ndu.

10 Dá chi miían ndúsa nakuíta ndidaá tá'an yó noo Cristo Jesús, noo koo na keyíko na, dá natiin iin rá iin yó ya'i sa'á ña ni kee yó nani ni sa ndixi

yó yikí koño yó'o, á mií yó nī kee yó ña va'a, o á mií yó nī kee yó ña kini.

Nī xī'o Ndios choon noo ndú ña dánáki'in tá'an va'a ndu ñayuu xí'ín Ndios

11 Ta sa'á ña ná'á ndú ña kánian yu'ú ni'ini yó na kúú sato'o yo, sa'á ñoó ndí'i ini ndu dáxino ini ndu ñayuu, dá kandísa na ña ndaa dána'a ndu. Ta mií Ndios kúú na ná'á va'a tát'o'on kī'o kúú ndú, ta kándéé ini ndu ña kī'o dión ta'ani kátóni ini ndo.

12 Tído ná dá'a ni ka'án ndó ña nandió kuéi ndu chinaní va'a ndu mií ndú noo ndo, di'a kóni ndu ña ni'i ndo ña ka'an va'a ndó sa'a ndú'u, dá kían nónó noo ndo ka'an ndo xí'ín ñayuu kátoó chíndaya'ii mií sa'á ña luu ká'an na, tído yakó nda'o níó ná.

13 Chī tá ká'án dao ndó ña lóko kúú ndú, dá kían lóko va kúú ndú sa'á Ndios, tá dáá. Tído tá ká'án ndó ña kéndísá'ano ndu, dá kían ña va'a mií vá ndó kían.

14 Ta kú'u nda'o ini Cristo sa'a ndú, ta ñoó kían kédaá, sa'á ñoó ndí'i ini ndu kéchóon ndu noo ná, chī ná'á ndú ña sa'á ña nī xī'i mií ná sa'a ndidaá ñayuu, sa'á ñoó nī xī'i ndidaá ñayuu.

15 Nī xī'i Jesús sa'a ndidaá ñayuu, dá kían ná dá'a ka ni kandeí yó keeá ña kóni mií yó. Di'a kánian kandeí yó kee yó ña kóni na nī xī'i sa'a yo, ta nī nataki na.

16 Sa'á ñoó ko nákani ka ini ndu sa'á ñayuu tát'o'on kī'o nákani ini ñayuu ko ná'á Ndios. Ta va'ará nī sa ka'án ndú ña iin ta'a oon nī sa kuu Cristo, tído viti ko nákani ka ini ndu dión sa'a ná.

17 Dá chī ndi ndáa miíó ñayuu ñó'o tixi ndá'a Cristo, nī nduu na iin ñayuu saá. Ta ndidaá ña nī

sa kuu na tá sata n̄i kandoo vaan, ta ndidaá ñá n̄i nduu saá.

¹⁸ Ta ndidaá ña yó'o kée mií Ndios, na n̄i naki'in tá'an va'a xí'in yó sa'á ña n̄i kee Cristo. Ta n̄i xi'o na choon noó ndu'u ña kían dána'a ndu noó ñayuu ndi kee na, dá naki'in tá'an va'a Ndios xí'in ná.

¹⁹ Ch̄i sa'á ña n̄i kee Cristo, sa'á ñoó kuu naki'in tá'an va'a Ndios xí'in ñayuu, ch̄i ko taó kuendá ta'on ka na sa'á kuachi kée ñayuu. Ta n̄i sa'anda na choon noó ndu ña dána'a ndu noó ñayuu ndi kee na, dá naki'in tá'an va'a Ndios xí'in ná.

²⁰ Ta ndu'u kúu na n̄i ch̄ikata Cristo kane'e ndu to'on na noó ñayuu, sa'á ñoó kéchóon Ndios ndu'u, dá ká'an ndu xí'in ñayuu. Sa'á ñoó seí nda'í ndu noo ndo'ó xí'in kuu Cristo ña koo ini ndo naki'in tá'an va'a ndó xí'in Ndios.

²¹ Ta Cristo kúu na ko ní ya'a ta'on kee kuachi, tído n̄i nakuido na kuachi yó, dión, dá n̄i kandoo yó kúu yó ñayuu koó kuachi noo Ndios sa'á ña n̄i kee na dión.

6

¹ Ta viti ndu'u kúu na kéchóon xí'in Cristo, sa'á ñoó ká'an ni'ini ndu noo ndo ña ná dá'a ni koo ini ndo natiin oon ndó ña man̄i n̄i kee Ndios xí'in ndó.

² Dá ch̄i di'a kaá tuti ij Ndios:

Mií kuu n̄i kaxii, kuu dáá n̄i seíd'í ndo'ó.

Ch̄i tá n̄i kasandaá kuu n̄i dakákii ndo'ó,

kuu dáá n̄i ch̄indeéí ndo'ó.

Ta kuu víti kúu kuu n̄i kaxi Ndios, ch̄i mií kuu víti kóni na dákaaki na ndo'ó.

³ Ta ni iin tó'ón ña'a nóo ko yá'a ndu kee ndu noo ni iin tó'ón ñayuu, dá kían ná o ní'í ná ndi koo ka'an ndava'a na sa'a choon n̄i xi'o Ndios noo ndú.

⁴ Di'a ná'a ndu mií ndú noo ndidaá ña kée ndu ña kúú ndú na kéchóon ndaa noo Ndios, dá chi xí'o ndeé nda'o ini ndu, va'ará ndó'o ndu tandó'ó sa'a choon kée ndu, o va'ará kámani ña'a noo ndú, ta dión ta'ani kée ndu tá ndó'o níó ndú.

⁵ Ta xí'o ndeé ta'ani ini ndu va'ará káni na ndu'u, o va'ará sadí na ndu'u ve'e kaa, o va'ará kua'á ñayuu ndákuei naá xí'ín ndú, o va'ará choon ndeé nda'o kée ndu, o va'ará ko kídí ndu dao sakuaá, o va'ará ko ní'í ndú ña'a kasá'an ndu dao ta'ándá.

⁶ Ta noo choon kée ndu, vii kée ndu, ta kéchóon ndu ña ndichí xí'o Ndios, ta ió kueé ini ndu, ta va'a ini ndu, ta xí'ín ndée Espíritu ij Ndios kéchóon ndu, ta kú'u ndisa ini ndu sa'a ndidaá ñayuu,

⁷ ta dána'a ndu to'on ndaa, ta xí'ín ndée mií Ndios kée ndu ndidaá ña'a, ta né'e ndu ña kúú ña ndaa xí'ín ndá'a kuá'a ndu, xí'ín ndá'a íti ndu, dá chindeé ndú mií ndú.

⁸ Ió dao ñayuu xí'o ñaño'ó noo ndú, ta ió dao ka na koó ñaño'ó ná noo ndú. Ta dao na chínani kini na ndu'u, ta dao ka na chínani va'a ñaá ná. Ta va'ará chínani tó'on ná ndu'u, tído na ndaa va kúú ndú.

⁹ Ta ió dao ñayuu kée na ña ko náconi na ndu'u, tído ná'á vá ná ndu'u. Sa ndij va kúú ndú xiní ndu, tído takí ij vá ndú. Ta va'ará kéndava'a kini na xí'ín ndu'u, tído ko xí'í ta'on ndu.

¹⁰ Ta va'ará ndúkú ñayuu ña kandeí nda'í ndu, tído daá kádij iní ndu. Ta va'ará kúnda'í ndu, tído di'a ndekuíká ndú ñayuu xí'ín to'on Ndios. Ta va'ará ni ña'a ta'on koó noo ndú, tído di'a kómí ndú ndidaá ña va'a cháá ka.

¹¹ Ni nono yú'u ndú ni ka'an ndaa ndu xí'ín ndó, na ñoo Corinto xaan, ta ndino'o ini ndú xí'ín níó

ndú n̄i ka'an ndu xí'ín ndó.

¹² Kò ní sadi ndu níó ndú noo ndo'ó, mií di'a ndó kúú n̄a n̄i sadi níó ndo noó ndu'u.

¹³ Ta kóni ndu ña kee ndó xí'ín ndú tát'o on k̄i'o n̄i kee ndu xí'ín ndó, sa'á ñoó seí nda'í ndu noo ndo tát'o on kée iin tata xí'ín de'e ra ña konó ta'ani ndó níó ndo noo ndú'u.

Yóó kúú ve'e ño'o Ndios takí

¹⁴ O sa koo ini ndo naki'in tá'an nóó ndó xí'ín ñayuu kò kándisa Jesús. Dá ch̄i, ¿á náki'in tá'an nóó ña ndaa xí'ín ña kò ndáa, ká'án ndó? Ta, ¿á náki'in tá'an nóó noo tóon xí'ín noo iin naá?

¹⁵ Ta, ¿á kuu naki'in tá'an nóó Cristo xí'ín ña u'u? Ta, ¿á kuu naki'in tá'an nóó iin n̄a kándisa Jesús xí'ín iin n̄a kò kándisa?

¹⁶ Ta, ¿á kuu naki'in tá'an nóó ve'e ño'o Ndios takí xí'ín ña kúú yoko, ká'án ndó? Ta yóó kúú ve'e ño'o noo ió Ndios takí, ch̄i di'a kaá mií ná noo tuti īi ná:

Kooi xí'ín ná, ta kanooi tein na.

Ta yu'u kakuu Ndios noo ná,

ta mií ná kakuu n̄a ñooi.

¹⁷ Ta sa'á ña dión kíán, sa'á ñoó kaá ta'ani na di'a: Kankuei ndó tein ñayuu kò kándisa xaan, ta kuxoo ndó kua'án ndo, kaá Ndios, n̄a kúú sato'o yo.

Ta ni o sa káko'on ndá'a ndo ña kini kée na, dá kíán natiin va'i ndo'ó.

¹⁸ Ta yu'u ná kakuu tata noo ndo, ta ndo'ó ná kakuu de'e yií yu'u xí'ín de'e di'íi, kaá Ndios, n̄a kúú sato'o yo, n̄a kómí ndidaá tá'an choon.

7

¹ Na maní miíi, kí'ò dión ví ndato nì xì'ò Ndios to'on na noo yò, sa'á ñoó ná taó yò mií yó noo ndidaá tá'an ña dáyako ñíi yò xí'ín ñaxintóni yò noo Ndios. Ta dión, dá ná kasandaá yò koo vii yò noo mií ná sa'á ña yu'ú ni'ini yó na.

Kádii ini Pablo ña nì nandikó iní na ñoo Corinto sa'á kuachi nì kee na

² Natiin va'a ndó ndu'u xí'ín ndino'o ini ndo, dá chí nì iin tó'ón ndó kò ní dár'u'u ndu, ta nì iin tó'ón ndó kò ní dákí'in ndu iin íchì kini, ta nì iin tó'ón ndó kò ní dándá'í ndu.

³ Ta kò ká'in dión, dá ka'an kuachii sa'a ndo, chí sa nì ka'in xí'ín ndó ña nda maá ini nío ndú ño'o ndo'ó. Sa'á ñoó iin kakuu yó tá nì xí'í yò, ta iin kakuu yó tá takí yò.

⁴ Ta ió nda'o tandeé iní ká'in xí'ín ndó ña nákanini, ta va'a nda'o ká'in sa'a ndo noo dao ka ñayuu. Ta nì nakutí xí'ín tandeé iní, ta nì nakutí ndaa nío ndú xí'an kádii ini ndu tein ndidaá tando'ó ndó'o ndu.

⁵ Chí tá nì kasáa ndu Macedonia yó'o, ni lú'u kò ní nání'i ndée ndú, dá chí ndeí kúú míi vá noó nì xionoo ndu nì ndo'o nda'o ndu, chí nì dandó'o ñayuu nío ndú, ta nì sa yu'ú ni'ini nío ndú.

⁶ Tído mií Ndios, na xí'ò tandeé iní noó na ndó'o nío, noón kúú na nì xí'ò tandeé iní noó ndu'u sa'á ña nì ndisáa Tito.

⁷ Ta o dúú sa'á ña nì ndusáa oon ni xi, dá chí nì natiin ta'ani ndu tandeé iní sa'á ña nì xí'ò ndó tandeé iní noo xí, chí nì nakani xi ña ndáti kíi ndo koni tuku ndó yu'u, ta nì nakani ta'ani xi ña kúnda'í nda'o ini ndo sa'á kuachi nì kee ndó, ta ndí'i ini ndo sa'á yu'u. Sa'á ñoó nì kádii cháá ka iní.

⁸ Dá ch̄i va'ará n̄i dakúnda'í in̄i ndo'ó xí'ín tuti n̄i taai kosaa noo ndo, tído ko kútúú ta'on in̄i viti noo ña ni taai n̄i saa noo ndo. Ch̄i va'ará n̄i kutúú in̄i tá n̄i taai ña, tído viti kándaá in̄i ña tóó vá n̄i kúnda'í in̄i ndo n̄i kean.

⁹ Ta viti kádii in̄i, tído ko kádii ta'on in̄i sa'á ña n̄i dakúnda'í in̄i ndó. Di'a kádii in̄i, dá ch̄i sa'á ña n̄i kúnda'í in̄i ndo, ñoó n̄i kedaá xí'ín ndó, dá n̄i nandikó in̄i ndo sa'á kuachi n̄i kee ndó. Ch̄i m̄i vá Ndios kúú na n̄i xi'o ña n̄i kúnda'í in̄i ndo sa'á kuachi n̄i kee ndó. Sa'á ñoó ni lú'u ko ní tuú ndó n̄i kee ndu.

¹⁰ Dá ch̄i tá xi'o Ndios ña kúnda'í in̄i yo sa'á kuachi kée yó, ñoó kían kedaá xí'ín yó, dá nandikó in̄i yo sa'á ña n̄i kee yó, dá ni'i yo ña kaki yó. Sa'á ñoó ko kánian ta'u'u in̄i yo tá ndó'o yó dión. Tído ña kúnda'í in̄i xi'o ñayuú yó'o, ñoó kían xi'o ña naá yó.

¹¹ Tído kande'é ndó, ch̄i sa'á ña n̄i xi'o Ndios ña n̄i kúnda'í in̄i ndo, ñoó n̄i kedaá xí'ín ndó, sa'á ñoó ndi k̄i'o ví n̄i ndi'i in̄i ndo kee ndó ña kóni m̄i ná, ta n̄i ndi'i in̄i ndo ndeyíko ndo choon, ta n̄i ta'u'u in̄i ndo n̄i xini ndo kuachi ñoó, ta n̄i yu'ú ndo n̄i xini ndoán, ta ndi k̄i'o ví n̄i katoó ndo koni ndo yu'u, ta n̄i ndi'i cháá ka in̄i ndo n̄i kee ndó choon n̄i sa'andai noo ndo, ta n̄i dandó'o ndó nío ta n̄i kee kuachi ñoó. Ta noo ndidaá ña yó'o n̄i na'a ndo ña n̄i kendaá ndo choon.

¹² Tá n̄i taai tuti ñoó kosaaan noo ndo, ko ní táai ña, dá keyíko ndo sa'á ra n̄i ya'a n̄i kee kuachi, ta ni ko ní táai ña kosaaan chindeéan na n̄i ta'u'u. Di'a n̄i taai ña kosaaan noo ndo, dá na'a ndo m̄i ndó noo Ndios ña ndi'i in̄i ndó kee ndó choon sa'ándá ndu.

¹³ Ta sa'á ña n̄i kee ndó dión, sa'á ñoó n̄i

nduká'ano cháá ka tandeeé ini ndu. Tído n̄i kadii cháá ka ini ndu sa'á ña n̄i kadii nda'o ini Títo, ch̄i n̄i natiin xi tandeeé ini ká'ano n̄i kee ndidaá ndo'ó.

¹⁴ Ch̄i n̄i ka'in xí'ín xí ña va'a kee ndó xí'ín xí, ta ko ní xíka'an ta'on nooí sa'á ña n̄i ka'in dión xí'ín xí. Ch̄i táto'on k̄i'o ká'an ndu ndino'o ña ndaa xí'ín ndó, k̄i'o dión ta'ani n̄i xinkoo ndaa ndidaá ña n̄i ka'an va'a ndu sa'a ndo noo xí.

¹⁵ Ta n̄i nduká'ano cháá ka ña kú'u ini x̄i sa'a ndo, ch̄i ndísaá ini x̄i táto'on k̄i'o n̄i seídó'o ndidaá ndó choon n̄i ta'anda noo ndo, ch̄i n̄i natiin va'a ndó x̄i xí'ín ña yu'ú ndo, ta xí'ín ña ndéi n̄ino ndó.

¹⁶ Ta kádii nda'o inii, ch̄i noo ndidaá ña'a kándéé inii ndo'ó.

8

Yó'o ká'an Pablo sa'á di'ón dátaká na kua'an noó na ndó'o níó

¹ Ta viti, ñani, kóni ndu nakani ndu xí'ín ndó sa'á ña man̄i kée Ndios xí'ín ndidaá na kúu kuendá Jesús ndéi chí Macedonia.

² Ch̄i va'ará n̄i xirndodó ñaa tandó'ó, tído kádii nda'o ini na, ta va'ará kúnda'í nda'o na, tído kua'á nda'o di'ón n̄i doko ná.

³ Ta yu'u xí'o ndaa kuendá sa'a ná, ña ndino'o ini ná n̄i x̄i'o na di'ón táto'on k̄i'o sáa ndée ná, ta n̄i ya'a cháá ka ví n̄i x̄i'o na noo ña sáa ndée ná.

⁴ Ta n̄i seí nda'í nda'o na noo ndu'u ña ná kandía ndu tiin ndu di'ón n̄i dátaká na, dá kuu chindeé ná ñayuu kúnda'í, na kúu ñayuu Ndios.

⁵ Va'a cháá ka ví n̄i kee na noo ña ndáti ndu kee na, dá ch̄i dinñó'ó n̄i nak̄i'o na mií ná noo ndá'a sato'o yo Jesús. N̄i ndi'i, dá n̄i nak̄i'o na mií ná kueídó'o na ndu'u táto'on k̄i'o kóni mií Ndios.

⁶ Sa'á ñoó nī ka'an ni'ini ndu noo Tito ña táto'on kī'o nī chindeé xí ndo'ó tá nī kasá'á ndó kėtútí ndó dī'ón chindeé ndó nā kúnda'í ñoó, kī'o dión ta'ani ná dákinkoo xi choon noó ña manī kee ndó yó'o.

⁷ Va'a kée ndó noo ndidaá ña'a, chī kándée ká'ano iní ndo Jesús, ta tī'a ndó ka'an va'a ndó, ta ndichí ndo noo ña'a Ndios, ta ndino'o iní ndo kée ndó ndi ndáa mií vá choon, ta kú'u nda'o iní ndo sa'a ndú. Sa'á ñoó koo iní ndo kee va'a ta'ani ndó noó ña manī yó'o.

⁸ Ta ña ká'in xí'ín ndó, kọ kíán iin choon sa'ándái noo ndo. Di'a kóni ña kande'é va'a ndó táto'on kī'o ndí'i iní dao ka ñani yo chindeé ná nā kámani ña'a noo, dá ná kande'á á miían ndaa ió ña kú'u iní ndo sa'á ñayuu ndó'o dión.

⁹ Ta sa na'á vá mií ndó sa'á ña manī nī kee Jesucristo, nā kúú sato'o yo, sa'a yo, dá chī sa'á ña kú'u nda'o iní nā sa'a, sa'á ñoó nī ndee na mií ná iin taa kúnda'í, va'ará kuíká nda'o na. Ta sa'á ña nī ndenda'í nā mií ná, sa'á ñoó ni'í yo ña koo kuíká yó noo Ndios.

¹⁰ Ta viti kóni yu'u ka'an ni'inii noo ndo sa'á ña yó'o. Chī kánian dákinkoo ndó choon yó'o viti, chī nda kua ao nī kasá'á ndó kėtútí ndó dī'ón ñoó, ta o duú ña yó'o oon ni ní kee ndó, chī mií ndó nī ndakī iní ña dión koo.

¹¹ Sa'á ñoó dákinkoo kī ndo choon yó'o, chī táto'on kī'o luu nī chikaa iní ndo kee ndóan mií sa'a, kī'o dión ndí'i iní ndo dákinkoo ndóan viti. Ta kī'o ndóan táto'on kī'o ió ña noo ndo.

¹² Chī tá ná kī'o ndóan xí'ín ndino'o iní ndo, dá kíán nata'an iní Ndios koni naán, chī kọ xíká ta'on na ña kī'o yó ña koó noo yo.

¹³ Ta kọ ká'an ta'on yu'u ña yó'o xí'ín ndó sa'á

ñā kóniñi ñā kandeï va'a dao ka ñayuu, dá kandoo ndá'a ndo.

14 Di'a kóni yu'u ñā chindeé tá'an yó tá kamanñi ñā'a noo yo, chi tiempo viti kánian koto ni'ini ndó na kúnda'í ñoó xí'ín ñā kándoo noo ndo, dá chindeé ndó na xí'ín ñā kámani noo ná. Díón, dá ná nandió kuéi na chindeé ná ndo'ó xí'ín ñā xínñó'ó ndó ió noo ná, dión, dá chindeé tá'an yó tá kamanñi ñā'a noo yo.

15 Dá chi di'a kaá tuti ii Ndios: “Ñayuu ni nditúti kua'á ñā'a, ta ko ní kándoo ta'an vaan. Ta na ni nditúti lú'an, ko ní kamanñi ta'an vaan.”

16 Tído ndivé'e Ndios, chi mií ná ni kedaá xí'ín Tito, sa'á ñoó ndí'i ini xi sa'a ndo tát'o'on ki'o ndó'o mií.

17 Chi xí'ín ndino'o ini xi ni natiin xi choon ni xi'o ndu noo xí. Ta sa'á ñā ndí'i ini xi sa'a ndo, sa'á ñoó kosaa xi noo ndéi ndó, chi ki'o dión ni chikaa ini mií xí.

18 Ta ni tanda'á ta'ani ndu iin ka ñani yo kosaa ra xí'ín xí, ta ndeí kúú míí vá noo nditúti na kúú kuendá Jesús ká'an va'a na sa'a rá, chi kéchóon va'a ra noó to'on va'a ká'an sa'a Jesús.

19 Ta o duú dión oon ni kíán, taa yó'o kúú ra ni kaxi dao ka na kúú kuendá Jesús ñā kíán kane'e tá'an ra kanoo ra xí'ín ndu'u natiin ndu di'ón, ñā ni ketúti dao ka ñani yo. Ta kee ndu choon yó'o, dá ná natiin sato'o yo ñañó'ó, dá kandañ ini ndo ñā kóni ndu chindeé ñāá ndú noo choon yó'o.

20 Ta ki'o dión ni chikaa ini ndu, dá kíán ni iin tó'ón ñayuu ná dá'a ni nakani kuachi ini kande'é ná ndu sa'á di'ón kua'a ni nditúti ná kane'e ndu ko'on ndu.

21 Chi ndí'i ini ndu kéndísá'ano ndu choon. Ta

o duú noo sato'o yo Jesús oon ni ndí'i ini ndu kee ndu dión, nda noó ñayuu ta'ani ndí'i ini ndu kéndísá'ano ndu.

²² Ta tánda'á ta'ani ndu iin ka ñani yo kosaa ra xí'ín taa yó'o. Ta kua'á nda'o ta'ándá ni na'a ra mií rá noo ndú ña ndí'i nda'o ini ra kendaá ra choon. Ta vití ndí'i cháá ka ini ra chindeé rá ndo'ó, chi ió nda'o tandeé ini ra xí'ín ndó.

²³ Ta kana'á ndó ña Tito kúu ra né'e tá'an xí'ín yu'u, ta kéchóon dáó xí xí'ín noo ndo'ó. Ta uu ka ñani yo kosaa xí'ín xí kúu ra ni tanda'á dao ka na kúu kuendá Jesús kosaa ra, ta xí'ín taa yó'o natiin Cristo ñañó'ó.

²⁴ Ta na'a ndo mií ndó noo taa yó'o ña kúu ndó na kú'u ini sa'a na kúnda'í ñoó, dá ná kandaá ini dao ka na kúu kuendá Jesús sa'á ña va'a ni kee ndó, dá ná dá'a ni dátuu ndó ndu'u noó ká'an va'a ndu sa'a ndo noo rá.

9

¹ Ko xínñó'ó ka ka'in xí'ín ndo'ó sa'á di'ón, ña kían kétutí dao ka na kúu kuendá Jesús, dá chindeé ná ñayuu Ndios ndéi kuendá Judea,

² chi sa na'á vái ña ndino'o ini ndo kóni ndo chindeé ndó na. Ta ká'an va'i sa'a ndo'ó noo ñani yo ndéi Macedonia yó'o, chi ká'in xí'ín ná ña ndo'ó, na ndéi Acaya xaan, nda kuiá ao ió nduu ndo chindeé ndó ñayuu kúnda'í. Ta sa'á ña ni ndí'i ini ndo kee ndó dión, sa'á ñoó ni chikaa ta'ani ini na kee na dión.

³ Tído ni tanda'í ñani yo yó'o kosaa ra noo ndéi ndó, dá kían ná dá'a ni kandoo tó'ín noo ña ni ka'an va'i sa'a ndo sa'a choon yó'o, dá ná xinkoo ña ni ka'in xí'ín ná ña kandeí nduu ndo.

4 Dá chi oon ni ví saa dao na ndéi Macedonia xí'ín, ta koni na ña ko ndéi nduu ndo xí'ín di'ón ñoó, dá kian kaka'an nda'o noo ndú'u sa'á ña ni kandeeé iní ndu ndo'ó, ta ko ní sá ndei nduu ndo. Tído ví'í ka ví kaka'an noo mií ndó.

5 Sa'á ñoó ni chikaa inii ña va'a cháa ka ni sei nda'í noó taa yó'o ña kosaá ra noo ndéi ndó dinño'ó, dá chindeé rá ndo'ó ketútí ndó di'ón, ña ni kaa ndo ki'o ndó. Ta dión, dá ná kandei nduu ndo ki'o ndóan xí'ín ndino'o ini ndo, dá ná dá'a ni kakian ña ni kendúsa ndu xí'ín ndó.

6 Ta ká'in xí'ín ndó ña kandé'é ndó táto'on ndó'o na xíti, chi na xíti cháa, cháa vá dákée na. Ta na xíti kua'a, kua'a dákée na.

7 Ta iin rá iin ndó ki'o táto'on ki'o ni chikaa ini nío ndo. Ta o sa kí'o ndóan xí'an kúnda'í ini ndo, ni sa'á ña miian ndúsa ki'o ndóan. Chi náta'an ini Ndios xiní na na xí'o ña xí'an kádij ini na.

8 Ta na ká'ano nda'o kúu Ndios, sa'á ñoó kuu va ndekua'a ná ña'a va'a noo ndo, dá kian ni iin tó'ón ta'on ña'a ná o kómani noo ndo, dá kian ná koo ni ña'a chindeé ndó dao ka na.

9 Dá chi di'a kaá tuti ii Ndios:

Ni dasá rá ña ió noo rá, ta ni xi'o raan noó na kúnda'í,

ta iin ni kando va ña ndaa ni kee ra noo Ndios.

10 Ta mií ná xí'o tata noó ra xíti, ta xí'o ta'ani na pan noó na kuíko, ta mií ná ndekua'a tata ió noo ndo. Ta ndekua'a ta'ani na ña va'a kee ndó xí'ín dao ka ñayuu.

11 Dión, dá koni ndo koo kuá'á ña'a noo ndo, dá kuu ki'o kua'a ndo ña'a noó ñayuu xinño'án. Dá tá ná naki'o ndu di'ón ñoó noo ná, dá kian naki'o na ndiv'e noo Ndios sa'án.

12 Chì tá ná nakì'o ndu dì'ón yó'o noó nà kúnda'í ñoó, o duú ña'a xínñó'ó oon ni ñayuu Ndios ni'i ná xí'án, dá chì di'a kuá'á nda'o noo ndivé'e nakì'o na noo Ndios sa'án.

13 Ta sa'á ña natiin na dì'ón ni kemáni ndo ná, sa'á ñoó keká'ano na Ndios, chì miían ndaa seídó'o ndó to'on va'a sa'a Cristo. Ta keká'ano ta'ani na Ndios sa'á ña ni xì'o ndó kuá'á nda'o dì'ón ni chindeé ndó mií ná xí'ín dao ka ñayuu.

14 Ta kì'o dión ta'ani kaka nà ña manì noo Ndios sa'a ndo, chì kú'u nda'o ini nà sa'a ndo, chì mií Ndios ni kedaá xí'ín ndó, dá ni kee ndó ña manì ká'ano yó'o xí'ín ná.

15 Ta ndivé'e ká'ano Ndios, chì ká'ano nda'o ña manì ni kee na xí'á. Ta kò ní'i yo to'on va'a ka'an yo sa'án.

10

Ká'an Pablo sa'a choon ni xì'o Ndios noo ná

1 Ta yu'u Pablo seí nda'í va'i noo ndo xí'ín ña nda'í ió ini, xí'ín ña ió va'a ini táto'on kì'o ni kee mií Cristo, va'ará ká'an dao ndó ña iin ta vitá ini kúu yu'u tá nákaai tein ndó xaan, tído tá nákaa xíkái, deén nda'o ká'in xí'ín ndó.

2 Tído seí nda'ávii noo ndo ña tá ná saai, ná dá'a ni kendúsa ndo xí'ín ña ka'an deén xí'ín ndó, chì miían ndaa kuiti kosaa nduui ka'an deén xí'ín nà ká'an ña xionoo ndu kée ndu táto'on kì'o kée ñayuu kuendá ñayuú yó'o.

3 Miían ndaa ndéi ndu ñayuú yó'o, tído kò kéchóon ta'on ndu ña'a ió ñayuú yó'o, dá naá ndu xí'ín ña kini.

4 Chì kò kéchóon ta'on ndu ña ío ñayúú yó'o, dá naá ndu xí'ín ña kini. Chì nda'á chóon, ña kían kéchóon ndu, kúú ndée xí'o mií Ndios. Ta xí'ín ña yó'o dánaá ndu noo dándáki ña kini.

5 Ta xí'ín ndée yó'o ta'ani dátúú ndú ndidaa ña to'ón kéchóon ñayuu. Ta dátúú ta'ani ndu ndidaá ñaxintóni táyíí, ña kédaá xí'ín ná, dá kò nákonì nà Ndios. Ta náchi'i ndu ndidaá ñaxintóni ñayuu tìxi ndá'a Cristo Jesús, dá ná kueídó'o ñaá ná.

6 Ta ío nduu ndu dándó'o ndu níò nà kò xí'ín kueídó'o tá ná kasandaá ndò kueídó'o ndisa ndó to'ón Ndios.

7 Kande'é va'a ndó ndi káa iin rá iin ña'a. Tá ío iin káa ndó nákonì mií ña kúú ndó kuendá Cristo, dá kían kánian taó kuendá va'a ndó, chì tátò'on kì'o kúú ndó kuendá Cristo, kì'o dión ta'ani kúú ndu'u.

8 Chì va'ará yá'i cháá noo chíndaya'i choon né'i, tído kò xíka'an ta'on nooí, chì mií sato'o yo Cristo nì xí'o choon yó'o nooí, dá dákuá'anoi ndò'ó noo ña kándísa ndó. Ta kò ní xí'o na ña nooí ña dánaáì noo ndò.

9 Ta o sa ká'án ndó ña ndúkúí dáyu'íi ndò'ó xí'ín to'ón ká'ín noo tuti tánda'í kosaa noo ndò.

10 Chì kaá dao ndó ña miían ndaa deén nda'o ká'ín noo tuti táai tánda'í kosaa noo ndò, ta kuáchi nda'o choon sa'ándái noo ndò. Tído tá íoí xí'ín ndó, kò kúú ta'on yu'u iin taa ndeé iní, ta ni kò tí'ai ka'an va'i, kaá dao ndó.

11 Tído ká'ín xí'ín nà ká'an dión ña ná kana'á ná ña tátò'on kì'o ká'an ndu noo tuti táa ndu, kì'o dión ta'ani kee ndu tá ná saa ndu noo ndéi ndó xaan.

12 Ta kò chíndaa noo ndu kí'ín tá'an ndu xí'ín ta kátoó chíndaya'i mií, ta ni kò chídáó tá'an ndu mií ndú xí'ín rá. Tído taa yó'o, ndéi ra chíki'ó ra mií rá

xí'ín ña kée ra, ta chídáó rá mií rá xí'ín ra kée tátò'on kée mií rá. Ta sa'a ña kée ra dión, sa'a ñoó kò ñó'o ndi'i ta'on ini ra.

¹³ Tído ndu'u, kò yá'a ta'on ndu chíndaya'i ndu mií ndú cháá ka noó choon né'e ndu. Di'a chíndaya'i ndu mií ndú tátò'on káa choon ni xi'o mií Ndios noó ndú, ta xí'ín choon yó'o ni kasandaá ndu noó ndéi ndó.

¹⁴ Kò yá'a ta'on ndu tá sa'ándá ndu choon noó ndo, chi yá'a ndu tá kò ní saa ndu noó ndéi ndó. Tído ndu'u kúú ra mií noó ni saa ni daná'a to'on va'a sa'a Cristo Jesús noó ndo.

¹⁵ Ta kò yá'a ta'on ndu chíndaya'i ndu mií ndú noó choon kée dao ka na. Ña kóni ndu kían kua'ano cháá ka ndo xí'ín ña kándéé iní ndo Jesús, dá ná kandaya'i cháá ka choon kée ndu tein ndó, tátò'on ki'o dándáki choon né'e ndu.

¹⁶ Ndi'i, dá ko'on ndu dána'a ndu to'on va'a sa'a Jesús noó na ndéi xíká cháá ka noó ndo'ó, ta o kú'u ta'on ndu dána'a ndu noó dána'a dao ka ta, dá kían ná dá'a ni chíndaya'i ndu mií ndú noó choon ni kee dao ka ra.

¹⁷ Ta na ká'án kuryíi, kánian kuryíi ná sa'a ña ni kee sato'o yo Ndios sa'a ná.

¹⁸ Dá chi ñayuu, na chíndaya'i mií, kò kándoo va'a na noó Ndios. Di'a ñayuu, na chíndaya'i mií Ndios, noón kúú na kándoo va'a.

11

¹ Kóni ña ndeé ní koo ini ndo sa'í viti, chi ko'in ka'in xí'ín ndó tátò'on kée iin ra ndúlókò. Tído ndeé koo ini ndo sa'í,

² dá chi kékuión yu'u sa'a ndo tátò'on kuión ini Ndios sa'a ndo, dá chi sa ni kándooi ña naki'o viii

ndo'ó noo iin tó'ón Cristo kakuu yíi ndo táto'on kée iin tatá tá kua'an ra naki'o ra de'e di'í tákí ra noo ndá'a taa kakuu yíi xí. Chi kónii ña koo vii ndo naki'oi noo mií Cristo.

³ Tído nákanii ini sa'a ndo, dá chi táto'on ki'o ni kee koo, tá'an kirí maña ni danda'í Eva, oon ni ví ki'o dión nadaká taa to'ón ñaxintóni ndo, dá ya'a ndó koni xíxi ndó Cristo.

⁴ Dá chi tá vei dao ka taa, ta díin dána'a ra sa'a Jesús o duú ña ni daná'a mií ndu'u noo ndo, ta dána'a ra sa'a iin ka espíritu noo Espíritu ii Ndios, na ni natíin ndó, ta díin va dána'a ra sa'a to'on va'a sa'a Jesús o duú ña ni daná'a ndu noo ndo, tído xí'o ndeé ini ndo sa'a rá.

⁵ Ta kí'in ki'oi ña ko kúu ta'oin iin taa nóo noo taa chínaní ndó kúu apóstol ndáya'i.

⁶ Chi va'ará ko tí'a yu'u ka'an va'i, tído ko kámani ta'ón ña ndichí ni xí'o Ndios noói. Dá chi noo ndidaá vá ña'a ni kee ndu, ta noo ndidaá ña'a ni ka'an ndu, ni na'a ndu tein mií ndó ña dión kíán.

⁷ ¿Á ni ya'i ni kee kuachi sa'a ña ni kenóoi mií, dá kandaya'i ndo'ó, xini ndo? Chi tá ni daná'i to'on va'a Ndios noo ndo, ko ní kí'in ya'i ta'an vei.

⁸ Ta sa xio ndaai di'ón ndá'a dao ka na kúu kuendá Jesús ni sa kuu ya'avii, dá ni sa ioi ni daná'i noo ndo.

⁹ Tá ni sa ioi xí'in ndó, ta nda'í kómani ña'a noói, tído ni iin tó'ón ndó ko ní dándi'i ini. Chi ndidaá ña'a sa komani noói ni xí'o dao ka ñani yo, na ni kii chí kuendá Macedonia. Ta noo ni iin ña'a ko ní dándi'i ini ndo'ó, ta ni iin kuu o dándi'i ini ndo'ó noo ña xín'no'í.

¹⁰ Ta sa'a ña nákaa to'on ndaa Cristo ini níoi, sa'a ñoó ká'in xí'in ndó ña ko íin ta'on kuu dítá

ñā ch́indaya'ii choon ḱeei sa'á ñā kō ḱí'in ya'i noo ndo'ó, na ndéi chí Acaya xaan.

11 Ta, ¿ndiva'a ḱá'in dión, ḱá'an ndó? ¿Á kō kú'u ta'on iniñ sa'a ndo'ó, ndani? Mii Ndios kúu na ná'á ñā kú'u nda'o iniñ sa'a ndo.

12 Ta ñā ḱeei ḱian kō ḱí'in ya'avii noo ndo, ta dión ij vá keei, dá ná o ní'i dao ka taa, tá'an ra ndúkú chindaya'ii mií, ndi kee ra chidáo tá'an ra mií rá xí'in ndu'u.

13 Dá chí taa ñoó kúu apóstol to'on, ta kúu rá taa kéchóon xí'in ñā mañá, chí ḱee ra mií rá ñā kúu rá apóstol Cristo.

14 Tído ná dá'a ni naá téi ini ndo ñā ḱi'o dión ḱee ra, dá chí dión ta'ani ḱee ñā u'u, chí ḱeean miían ñā kúuán tát'on iin ángel ndato tóon.

15 Sa'á ñoó o duú iin ñā kuáchí ḱían kandaá ini yo ñā taa kéchóon noó ñā u'u ḱee ra mií rá ñā kúu rá tá kéchóon noó ñā ndaa. Tído kasandaá iin kuu, dá keyíko sa'a rá tát'on ḱaa choon ni kee ra.

Yó'o ḱá'an Pablo sa'a ndidaá tandó'ó ni ndo'o na sa'á ñā né'e na to'on Jesús

16 Nándió kōo tukui ḱá'in xí'in ndó ñā ná dá'a ni ka'an ndó ñā ndúlókoj. Tído tá ḱá'an ndó ñā dión ḱían, dá natiin ndó yu'u tát'on iin na ndúlóko, dá nóno noqí chindaya'ii mií ch́aa.

17 Ta ñā ḱá'in xí'in ndó viti, kō ḱían ñā ni natiiin noo sato'o yo Ndios. Chí ḱían tát'on ḱá'an iin na ndúlóko, sa'á ñoó kándéé iniñ ch́indaya'ii mií.

18 Ta sa'á ñā kuá'á nda'o taa ch́indaya'ii mií sa'á ñā ḱee ra ñayuú yó'o, sa'á ñoó chindaya'i ta'ani yu'u mií.

19 Ch̄i ndino'o ini ndo xí'o ndeé ini ndo seídó'o ndó taa ndeé to'on, va'ará kaá ndo ña kúú ndó na ndichí.

20 Ta xí'o ndeé ta'ani ini ndo va'ará náchi'i dao ra ndo'ó tixi ndá'a rá, o va'ará kété'a dao ra ndo'ó, o va'ará xío ndaa dao ra ña'a ndó, o va'ará chíndaya'i dao ra mií rá noo ndo, o va'ará káni dao ra da'anda noo ndo.

21 Ta xíka'an ví noói ka'in xí'ín ndó ña ko ní kée ndu dión xí'ín ndó, ch̄i nóo va ió ini ndu.

Ta noó ña chíndaya'i dao ka taa ñoó mií rá, chin-daya'i ta'ani yu'u mií, va'ará ká'in tát'on ká'an iin ta ndúlóko.

22 ¿Á kúú rá ta hebreo? Ñáa ta'ani kúú yu'u. ¿Á kúú rá ta ñoo Israel, ña kúú ñoo Ndios? Ñáa ta'ani kúú yu'u. ¿Á kúú rá na ve'e tatá sá'ano Abraham? Ñáa ta'ani kúú yu'u.

23 ¿Á kúú rá ta kéchóon noo Cristo? (Ká'in tát'on kée iin na ndúlóko.) Tído kéchóon cháa ka yu'u noo Cristo o duú mií rá, ch̄i yu'u kúú ra kua'a cháa ka ñi kéchóon noo Cristo. Ta sa'a mií ná kua'a nda'o ta'ándá ñi kani ndava'a ñayu yu'u, ta kua'a cháa ka ta'ándá ñi sa kaa yu'u ve'e kaa, ta kua'a nda'o ta'ándá daá ió ña kuui.

24 Ta o'on ta'ándá ñi kani na Israel oko sa'on komi chirrión satá yu'u.

25 Ta oni ta'ándá ñi kani na yu'u xí'ín vara, ta iin ka ta'ándá kua'an na ka'ání ná yu'u xí'ín yuu, ta oni ta'ándá ñi keta ka'ani barco ini taño'o noo nákaai kua'in, ta iin ñoó xí'ín iin nduú ñi sa nóo ni'inii noo taño'o.

26 Ta ndó'o nda'o níof íchi noo xionooi, ch̄i ióan kuui kée yuta, ta ió ta'ani ña kuui kée ta kui'íná, ta

ió ña kuui kée na ñooi, ta ió ta'ani ña kuui kée na ko kúu na Israel. Ta ió ña kuui noo kúu ñoo ná'ano, xí'ín noo kúu yukú ichí xí'ín noó taño'o, ta ió ta'ani ña kuui kée na chínani mií ña kúu ná kuendá Jesús.

27 Ta sa'á choon kéei, sa'á ñoo kútati nda'a vei, ta kua'á nda'o ta'ándá ko ní sá kidij, ta kua'á nda'o ta'ándá sa xí'i dokoï ña kuíkoi xí'ín ña íchij takuúí, ta kua'á nda'o ta'ándá ñi sa xionoo nditaj, ta ñi sa ndo'o níoi ña vixi chi koó dá'on kandixii.

28 Ta noo ndidaá ka ña'a, ió iin ka ña'a ndó'i iin iin kuu kuu, chi nákani nda'o inij sa'a ndidaá na kúu kuendá Jesús ndéi iin rá iin ñoo.

29 Chi, ¿ndi ndaa ndo'ó ndó'o níoi, ta ko ndó'o ta'ani níoi mií? Ko ín ta'on. O, tá kándée dao taá dándá'í rá ndo'ó, ¿á ko ná'a ta'on ndó ña xido nda'o inij?

30 Tá miían kánian chindaya'ii mií, va'a kaan ná chindaya'ii mií noo ña ná'a ña kúúí iin ta ko kómí ndée mií.

31 Ta mií Ndios, na kúu tatá sato'o yo Jesucristo, na daá kuití kánian natiin ñaño'ó, noón kúu na ná'a ña ko ká'an to'ín.

32 Tá ñi sa io yu'u ñoo Damasco, ñoo nákaa iin ta né'e choon, ta nákaa rá tixi ndá'a rey Aretas. Kúu ñi sa'anda rá choon noo ta ndaá yé'é ñoo ñoo ña ná kandeí nduu rá tiin ra yu'u, ñi ka'án rá.

33 Tído ndéi dao ñayuu ñi taó ná yu'u ventana, dá ñi danóo na yu'u ini iin tiyika ndika náoi ñoo ñoo, dá ñi kuu ñi kaxii noo ndá'a taá ñoo.

12

Yó'o ká'an Pablo sa'a iin ña'a dándó'o níoi ná

1 Miían ndaa ndisa ni ña'a ko ndáya'i ña chindaya'ii miíí, tído viti ná ko'ín nakanií xí'ín ndó sa'á ña ni na'a sato'o yo Jesús nooí, xí'ín sa'á ña saá ni nakani na xí'ín.

2 Ta ná'á yu'u sa'a iin ta, ta ta yó'o íin xí'ín Cristo, ta sa io uxí komi kuia ni naki'in ñaá Ndios né'e na ni sa'an na nda induú kúú oni. Xíni á ni sa'an ra xí'ín nda yikí koño ra, o nío óon ra ni sa'an. Iin tó'ón diní Ndios kúú na ná'á.

3 Ta ná'á yu'u sa'á ta yó'o, ta xíni á ni sa'an ra xí'ín yikí koño ra, o nío óon ra ni sa'an. Iin tó'ón diní mií vá Ndios kúú na ná'á.

4 Tído miían ndaa ni nadítá ñaá Ndios noo ndato téi kaa noo ío na. Ta ñoó ni seídó'o ra to'on, ña kían o kátí'a yó nakani yó, chí ni iin ñayuu ko ní ni'í tá'í nakani na sa'an.

5 Ta kuu va chindaya'i yu'u ta yó'o, tído o chindaya'i ta'on yu'u miíí, chí chindaya'ii miíí sava'a sa'á ña ná'a ña kúúí iin ta ko kómí ndée miíí.

6 Tído tá ká'an yu'u chindaya'avii miíí, dá kían o kákuu ta'on yu'u iin ta oon ini, chí ña ndaa va ka'in. Tído o kée ta'oin dión, dá kían ni iin ñayuu ná dá'a ni chindaya'i cháá ka na yu'u noo ña ndé'é ná kéei o ña seídó'o na dána'í.

7 Ta sa'á ña ná o yá'a téi chindaya'ii miíí sa'á ña ndato ni na'a Ndios nooí, sa'á ñoó ni kasáa iin ña'a dándó'an níoí, ta kían táto'on iin ión yái tárnee ñíí, xíní, ña kéchóon ña u'u dándó'an nímaí, dá kían ná o yá'í chindaya'avi miíí.

8 Ta sa oni ta'ándá ni seí nda'avíi noo sato'o yo Jesús ña ná dítá ná ña kedaá xí'ín ndó'o nímaí.

9 Tído di'a va ni kaa na xí'ín: “Koó, sa vatí va nákaaon tixi ña maní kée yu'u xí'ón, chí ndée mií

yu'u kían ná'a va'a cháa ka noo na koó ndée.” Sa'á ñoó ndani ndino'o ini yu'u chindaya'avii miíi sa'á ña ná'a ña kúúí iin ta'a ko kómí ndée miíi, dión, dá ná'i ña nákaai tixi ndá'a ndée miíi Cristo.

¹⁰ Ta sa'á ña ío ndée Cristo xí'ín, sa'á ñoó kádij inij tá koó ndeéí, o tá kána'á ñayuu xí'ín, o tá kámani ña'a noóí, o tá kéndava'a ñayuu xí'ín, o tá ndó'o níóí. Dá chī tá koó ndeéí, dá di'a kúúí iin ta'a ndakí cháa ka kée Ndios.

¹¹ Tído, tátò'on kée iin ta' ndeé to'on, kī'o dión nī keei sa'á ña nī chindaya'avi miíi, tído mií vā ndó nī kedaá xí'ín, sa'á ñoó nī keei dión. Di'a mií vā ndó kánian nakoní ndo yu'u, dá chī noo ni iin tó'ón ta'on ña'a ko kándoo nóo yu'u noó taa chínaní ndó kúú apóstol ndáya'i, va'ará koó ña'a kúúí.

¹² Kuá'á nda'o ña'a ná'ano kée na kúú apóstol Jesús nī kee yu'u tein mií ndó, ta nī keei ña xí'an kueé ío inij, chī nī keei ña ndato, xí'ín ña kedaá xí'ín ñayuu, dá naá iní na, xí'ín ña ná'ano vei noo Ndios.

¹³ Sa'á ñoó, ¿ndí kían va'a nī kee yu'u xí'ín dao ka na kúú kuendá Jesús, ta ko ní kéei ña xí'ín ndo'ó, xiní ndo? Chī sava'a ña nī kee kían ko ní kí'in ya'i ta'an vei noo ndo. ¡Ká'ano koo ini ndo sa'í tá ká'án ndó ña ña yó'o kúú iin kuachi kini!

Yó'o ká'an Pablo ña saq na ñoo ñoo ta'ándá kúú oni

¹⁴ Kana'á ndó, chī sa ío nduui saai noo ndeí ndó ta'ándá kúú oni. Ta o dáta'án ta'on yu'u ndo'ó xí'ín ni iin ña'a, chī ko ndí'i ta'on ini yu'u sa'á ña ío noo ndo, di'a ndí'i inij sa'a mií vā ndó. Dá chī ko kánian koto takuáchí leé tatá xi, di'a na kúú tatá va kánian koto de'e na.

15 Ta ndino'o ini yu'u ióí ña dándí'i ndidaá ña ió nooí sa'a ndo, ta ió ta'anii dándí'i ndidaá ndééí sa'á ña kú'u inii sa'a ndo. Ta va'ará sá'ano cháá ka ña kú'u inii sa'a ndo, tído ndó'ó, dánkoo di'a ndó ña kú'u ini ndo sa'í.

16 Tído kaá dao ndó ña va'ará ko ní kí'in ya'i noo ndo, tído sa'á ña kúúí iin ta mañá, sa'á ñoó ni danda'ávíí ndo'ó, kaá ndo.

17 ¿Á ni danda'íi ndo'ó xí'ín iin ta n ni tanda'í ni saa noo ndo, ká'án ndó?

18 Ni seí nda'ávíí noo Tito saa xi xí'ín iin ka ñani yo noo ndéi ndó. Ta, ¿á ni danda'í Tito ndo'ó, tá dáá? ¿Á ko ná'á ndó ña iin tó'ón vá kúú ñaxintóni ndú, ta iin nóó vá íchi ñó'o ndu'u?

19 Ndá ndi kuu ká'án ndó ña ká'an ndu dión, dá chi kóni ndu kandoo va'a ndu noo ndo. Tído koó, chi noo Ndios vá ká'an ndu dión sa'á ña kúú ndú kuendá Cristo. Ta noo ndidaá ña kée ndu, na maní miíí, ndúkú ndu'u ña kua'ano cháá ka ndo íchi Ndios.

20 Chi yu'íí ña tá ná saai noo ndéi ndó, oon ni ví natiin yu'u ndo'ó ndéi ndó kée ndó ña ko náta'an inii, ta dión ni ndo'ó, o náta'an ini ndo kee yu'u. Dá chi oon ni ví ndéi ndó ndátó'ón kuáchi ndo, o ndéi ndó xí'ín ña u'u ini ndo, o ndéi ndó xí'ín ña tondó ndo, o ndéi ndó sa'ándá tá'an ndó, o ndéi ndó dátaí chí'an tá'an ndó, o ndéi ndó káva'a ndó kuáchi sata dao ka ñayuu, o ndéi ndó xí'ín ña táyíí ndó, o ndéi iin rá iin ndó kée ndó ña kóni mií ndó.

21 Chi tá ná saai noo ndéi ndó, oon ni ví natiin yu'u ña ka'an noo noo Ndios kee ndó. Ta oon ni ví kuakii xí'ín ndirá nooí sa'á ña kua'á nda'o ndó ni ya'a ni kee kuáchi, ta ko ñá'a nandikó iní ndo sa'á ña ni kee ndó kuáchi ka'an noo, o sa'á ña ni

kidj ndo xí'ín nà kọ kúú ñadi'í ndo o yí ndo, o sa'á ndidaá ka kuachi ni kee ndó xí'ín ñí ndo.

13

¹ Ta viti xíno onj ta'ándá saaj noo ndéi ndó. Ta kana'á ndó ña xínñó'ó yó uu ñayuu o onj ñayuu kandita kị'o kuendá, dá keyíko yo iin tandó'ó.

² Sa ni ka'in xí'ín ndó tá ni sa ioj xí'ín ndó, ta viti ká'an tukui xí'ín ndó, ta kee ndó kuendá ña íoj xí'ín ndó. Ta xían nani nákaa xíkái, tánda'í tuti yó'o kosaá noo nà ni ya'a ni kee kuachi, xí'ín noo ndidaá ka ndo'ó, chj tá ná saa tukui noo ndéi ndó, dá kían ni lú'u ña manj o koo sa'a ndo.

³ Chj ndúkú ndó korndodó ndó yu'u nde'á á miían ndaa kuiti Cristo kúú nà ká'an noo yu'u. Ta kana'á ndó ña kọ kúú ta'on na iin nà koó ndée xí'ín ndó. Di'a ná'a nà ña kómí ná ndidaá ndée xí'ín mií ndó.

⁴ Dá chj va'ará ni xij Jesús ndjka cruz tát'on iin ta koó ndée, tído viti takí nà kée ndée mií Ndios. Ta dión ta'ani ndó'o ndu'u, kọ ta'ón ndée kómí ndú ñayúú yó'o tát'on ni ndo'o mií Cristo. Tído kataki ndu kandeí ndu xí'ín ná kee ndée mií Ndios, dá kechón ndu noo ndo.

⁵ Kande'é va'a ndó mií ndó, ná kande'á á miían ndaa kándée iní ndo Jesús o koó, ta korndodó ndo mií ndó. Ta, ¿á kọ xí'o ta'on ndó kuendá ña ío Jesucristo xí'ín ndó? Chj tá kọ ío nà xí'ín ndó, dá kían sa ni kandoo va ndó ni tuú ndó noo ña kándisa ndó.

⁶ Ta kándée inij ña xí'o ndó kuendá ña kọ ní kándoo ta'on ndu ni tuú ndú noo ña kándisa ndu.

⁷ Xíka ndu ña manj noo Ndios sa'a ndo, dá ni iin tó'ón ndó ná o yá'a kee ña kini. Ta kọ kée ndu dión,

dá kandoo va'a ndu noo ñayuu. Dión kée ndu sa'a ndo'ó, dá kati'a ndó kee ndó ña va'a, va'ará ká'an dao ka ñayuu ña ni tuú ndú noo ña kándisa ndu.

⁸ Chi o kúu ta'on chituu ndu ña ndaa, di'a ndíta ndu chindeé ndúan.

⁹ Sa'á ñoo náta'an ini ndu kakuu ndu ta koó ndée tá ná kuita toon ndó xí'in ña kándisa ndó. Ta xika ndu noo Ndios ña ná xinkuei ndó koo ndó táto'on ki'o kóni mií ná.

¹⁰ Ta táai to'on yó'o kosaá noo ndo nani nákaa xikái, dá kían, tá ná saai noo ndéi ndó, ná dá'a ni ka'an deéin xí'in ndó, chi ni xi'o sato'o yo Jesús choon yó'o nooi, dá dákuá'anoi ndo'ó xí'in to'on Ndios, ta ko ní xi'o naan nooi ña dánaá di'ai ndo'ó.

Xí'in ndisá'an yó'o dánd'i Pablo ña ká'an na

¹¹ Ta viti ko'in dánd'i ña ká'in xí'in ndó. Ná kadij iní ndo, ta ndeyiko ndo mií ndó noo Ndios, ta ki'o tá'an ndó tandeé iní, iin tó'on ná kakuu ñaxintóni ndo, ta kandeí va'a ndó xí'in iin rá iin ndó. Ta Ndios, na xí'o ña kandeí ñóhí yó, na xí'o ña ku'u ini sa'a sátá'an yó, ná koo xí'in ndó.

¹² Ta chitó tá'an ndó noo ndo, ta ña yó'o ná kakuu iin ñañó'ó ka'an tá'an ndó ndisá'an sa'á ña kúú ndó kuendá Jesús.

¹³ Ta ndidaá ñayuu Ndios ndéi xí'in yu'u yó'o ká'an na ndisá'an xí'in ndó.

¹⁴ Ta ná koo ña manj xi'o sato'o yo Jesucristo xí'in iin rá iin ndó, ta ná ku'u ini sa'a sátá'an ndó táto'on ki'o kú'u ini Ndios sa'a ndo, ta iin ná kakuu ndó kee Espíritu ij ná. Dión ná koo.

**Tuti yó'o kúú to'on Ndios, ta xí'o ña kuendá
sa'a Jesús
New Testament in Mixtec, Tezoatlán (MX:mx:Mixtec,
Tezoatlán)**

copyright © 2006 Wycliffe Bible Translators, Inc.

Language: Mixtec, Tezoatlán

Translation by: Wycliffe Bible Translators, Inc.

Mixteco, Tezoatlán [mx], Mexico

Copyright Information

© 2006, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Tezoatlán

© 2006, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

b81ac6b3-0ad5-5336-8d42-4c2703b04e9f